
PREBENTZIO- ETA JARDUKETA-PROTOKOLOA*

COVID-19aren AURREAN

“LEINTZ ESKOLA KIROLA”

* Protokolo hau LEINTZ ESKOLA KIROLA osatzen duten ikastetxe bakoitzaren errealitatera eta funtzionamendura egokitu da, hori bai, erakundeek eskola-kirolerako ezarri dituzten Jarduteko Arau Orokorrak eta erakundeak garatzen dituen kirol-jarduera edo diziplanetako Arau Espezifikoak errespetatuz.

ALMEN GUNEKO

ESKOLA KIROLEKO JARDUEREN PROTOKOLOA

AURKIBIDEA

1. JUSTIFIKAZIOA, HELBURUAK ETA APLIKAZIO ESPARRUA

- 1.1. JUSTIFIKAZIOA
- 1.2. HELBURUAK
- 1.3. APLIKAZIO-ESPARRUA

2. PROTOKOLOAREN ARDURA DUTEN ORGANOAK ETA PERTSONAK

- 2.1. ERAKUNDEKO OSASUN-ARDURADUNA
- 2.2. ERAKUNDEKO ZUZENDARITZA- EDO ADMINISTRAZIO-ORGANOAK
- 2.3. INPLIKATUTA DAUDEN BESTE ERAGILE BATZUK

3. PREBENTZIO-ELEMENTUAK

- 3.1. PREBENTZIO- ETA HIGIENE-NEURRI OROKORRAK
- 3.2. MASKAREN ERABILERA
- 3.3. JARDUERAK: SAIOAK, ENTRENAMENDUAK ETA LEHIAKETAK
 - 3.3.1. JOLAS HEZI PROGRAMA
 - 3.3.2. MULTIKIROLA PROGRAMA
 - 3.3.3. AISIALDI KIROL JARDUERAK PROGRAMA
 - 3.3.4. ESKOLA KIROL EGOKITUA PROGRAMA
- 3.4. JARDUEREI LOTUTAKO BESTE ELEMENTU BATZUK

4. COVID-19ko KASUEN AURREAN JARDUTEKO PROZEDURA

- 4.1. FAMILIEN ETA GAINERAKO PERTSONALAREN JARDUKETA
- 4.2. KIROL-ERAKUNDEAREN JARDUKETA

5. DIZIPLINA-NEURRIAK ETA HAUEK BETETZEN DIRELA KONTROLATZEA

6. PROTOKOLOA ETA HARTUTAKO NEURRIAK HEDATZEA ETA EZAGUTZEA

7. PROTOKOLOAREN EBALUAZIOA ETA JARRAIPENA

1. JUSTIFIKAZIOA, HELBURUAK ETA APLIKAZIO-ESPARRUA

1.1 JUSTIFIKAZIOA

Zalantzarik ez dago 2020-2021 ikasturtea berezia izango dela, COVID-19ari esparru guztietatik aurre egiteko, aurrean dugun egoera berri eta aparta kontuan hartuta.

Eskola-kirolari ez zaio arrotz egoera hori, inondik inora ere ez. Argi daukagu funtsezkoa dela gure adingabeen kirol-jarduera ziurtatzea. Eta ez osasunaren, sozializazioaren edo jolasaren ikuspegitik ariketa fisikoa egitea haurrentzat beharrezkoa delako bakarrik, baita, horrez gainera, kirola erregulartasunez egiteak immunitate-sistema indartzen laguntzen duelako ere, eta horrek, aldi berean, gaixotasunari aurrea hartzen eta sintomatologia arintzen laguntzen du.

Eskolako kirol-jarduera fisikoaren ezaugarriek (instalazioak, materialak, kontaktuak, taldeko joan-etorriak eta gaua igarotzea eskatzen duten jarduerak, kirolarien adina) asko zailtzen dute eskola-kiroleko programak eta egungoa bezalako krisi-egoera sanitarioa uztartzea.

Hori dela eta, kirol-erakunde guztiek ezarri behar dituzte kirolarien, teknikarien eta jardueretan esku hartzen duten gainerako eragileen artean kutsatzeko arriskua gutxitzea ahalbidetuko duten prozedurak. Protokolo honetan jaso diren prozedura horiek aldatu egiten dituzte kirola egiteko baldintzak, hain zuzen ere, pandemiaren aurrean segurtasuna areagotzeko, ezin litekeenez bestela izan.

Horrela, funtsezkoa da kirolariek, familiek, teknikariek eta erakundeko gainerako eragileek egoera ulertzea. Urte berezia dugu hau, jarduerak egokitu egin behar izan dira edo beste era bateko jarduerak egin beharko ditugu, eta denok jabetu behar dugu hauek direla posible diren baldintza bakarrak eta onenak baldin eta une honetan dugun errealitate honetan kirol-jarduera fisikoak garatu nahi baditugu.

Gogoan izan behar da protokolo honetan jaso diren neurriek osasun-agintariek eta kirol administrazioek ezarritako arauak eta jarraibideak betetzen dituztela, eta horiek, pandemiaren intzidentziari eta eskumenak dituzten erakundeek hartzen dituzten erabakien arabera, aldatu egin daitezkeela.

Azkenik, protokolo hau zuzen ezartzeak eta, ondorioz, kirol-jarduera seguruak egiteak eskatzen du konpromiso irmoa hartzea inplikaturako pertsona guztiek, hau da, familiek, kirolariek, teknikariek, erakundearen arduradunek, etab. Hartu beharreko neurriak aplikatzean, funtsezkoa da erakundea osatzen duten pertsona guztien eta bakoitzaren erantzukizun indibiduala eta kolektiboa.

1.2. HELBURUAK

Erakundeak protokolo honekin duen helburu nagusia honako hau da:

- kirol-jarduerak segurtasun-baldintzatan antolatu, eta, horretarako, dagozkion prebentzio- eta higiene-neurriak ez ezik COVID-19arekin erlazionatutako kasuak edo egoerak hautematen direnerako jarduketa-jarraibideak ezarri.

Helburu hori lortzeko, oinarritzkoa da:

- Kirol-erakundea osatzen duten pertsona guztiei erantzukizun indibidualaren eta kolektiboaren garrantziaren berri ematea, guztiak horren inguruan sentsibilizatu eta kontzientziaztea, eta arriskuei aurrea hartzeko eta kasu baten aurrean jarduteko jarraibideak ematea.

Horrela, funtsezkoa da protokolo honetan jasotako helburuak, neurriak eta orientabideak behar bezala komunikatzea/hedatzea, baita horiek etengabe ebaluatzea ere, jarraipena etengabea izan dadin eta, hala badagokio, aurrean ditugun egoera aldakor eta berrietara egokitu ahal izan dadin.

1.3. APLIKAZIO-ESPARRUA

Protokolo hau aplikatuko da erakundeak antolatzen dituen eta foru-aldundiaren eskola kiroleko programen esparruan garatzen diren era guztietako jardueretan, hau da, lehiaketa-, irakaskuntza-, detekzio-, jolas- edo kirol- eta kultura-jardueretako saioetan.

Era berean, erakundeak eskola-kiroleko programetatik kanpora antolatzen dituen eta foru aldundiak baimenduta dauden jardueretan ere aplikatuko da.

2. PROTOKOLOAREN ARDURA DUTEN ORGANOAK ETA PERTSONAK

2.1. ERAKUNDEKO OSASUN-ARDURADUNA*

Erakundeak eskola kiroleko jardueretarako osasun-arduradun bat izendatu du Arizmendi ikastolako Almen gunean (Ikus eranskina I. Osasun arduradunaren izendapen agiria)

Pertsona hori izango da protokoloaren arduradun teknikoa, eta berak zainduko ditu horren dinamizazioa eta funtzionamendu egokia.

Pertsona horrek badu Kirolaren Euskal Eskolaren bidez erakundeek irudi horrentzat garatu duten prestakuntza agiria. (Ikus eranskina II. Prestakuntza Beteta izanaren agiria edo diploma)

Honakoak izango dira bere eginkizunak, zehatzago adierazita:

- Erakundeak jarduten duten langile guztiei, baita kirolari adingabeen familiei ere, jakinaraziko dizkie ezarrita dauden prebentzio-, jarduketa- eta, hala badagokio, diziiplina-neurriak. Jatorrizko informazioa nahiz ondoren egindako edozein aldaketa jakinaraziko die.
- Gainbegiratuko du adingabe bakar batek ere ez duela jarduera hasiko bere familiak protokoloaren berri baduela, protokoloa onartzen duela eta betetzeko konpromisoa hartzen duela jasotzen duen agiria sinatu eta erakundera bidali arte. Berdin jokatu du teknikariekin eta arbitroekin jarduerari hasiera eman aurretik.
- Etengabe gainbegiratuko ditu erakundearen jarduerak, hain zuzen, protokoloan jaso diren prebentzio- eta higiene-neurri guztiak eta eskumenak dituzten agintariek ezarritako gainerako arauak betetzen direla ziurtatzeko.
- Jarduketa koordinatuko du eta beharrezko komunikazioa ezarriko du osasun-agintariek eta/edo familiekin edo eragindako pertsonekin baldin eta jarduerak garatzen diren bitartean sintomak dituen pertsona bat edo COVID-19 kasu bat hautematen bada.

COVID-19ari aurre egiteko prebentzio-neurriak ez betetzeagatik eragindako arriskuekin zerikusia duten arau-haustek erakundearen barne-araubideko edo diziplinako erregelamenduan sartzeko proposamenak garatuko ditu eta gobernu- edo zuzendaritza organora bidaliko ditu haiek onar ditzaten.

Protokoloa betetzen ez den kasuetan erakunde zuzendaritza- edo administrazio-organoak hartu beharrezko diziiplina-neurriak ezartzeko proposamena egingo du.

Beharrezko kudeaketak egingo ditu protokoloarekin zerikusia duen informazioa erakundearen webgunean jarrita egon dadin. Jatorrizko informazioa nahiz ondoren egindako edozein aldaketa jarriko da.

- Dagozkion salbuespenak ezarriko ditu aldagelak erabiltzeari, laguntzaileak sartu ahal izateko baimenari eta antzekoei dagokienez.
- Protokoloari buruz egiten den edozein informazio-eskaerari erantzungo dio.
- Protokoloa etengabe ebaluatuko du eta, hala badagokio, hura egokitzeko proposamenak helaraziko dizkio erakundeko zuzendaritza- edo administrazio-organoari.

Une hauetan, honakoa hauek izango dira erakundeko osasun-arduradunak:

- IBAI BOLINAGA, Arizmendi ikastolako ALMEN guneko eskola kiroleko koordinatzailea.

2.2. ERAKUNDEKO ZUZENDARITZA- EDO ADMINISTRAZIO-ORGANOA

Honakoak izango dira erakundeko zuzendaritza- edo administrazio-organoaren eginkizunak:

- Erakundeko osasun-arduraduna izango den pertsona izendatu.
- Protokoloa eta, hala badagokio, protokoloan egiten diren aldaketak onartu.
- Hala badagokio, COVID-19ari aurre egiteko prebentzio-neurriak ez betetzeagatik eragindako arriskuekin zerikusia duten arau-haustek erakundearen barne-araubideko edo diziplinako erregelamenduan sartzeko proposamenak onartu.
- Dagozkion diziplina-neurriak ezarri protokoloa betetzen ez den kasuetan.

2.3. INPLIKATUTA DAUDEN BESTE ERAGILE BATZUK

Protokoloa behar bezala eta modu seguruan ezartzeko, ezinbestekoa da kirol-erakundea osatzen duten gainerako pertsonen (teknikarien, kirolarien, familien, arbitro-taldearen, eskolakirolaren arduradunaren) inplikazioa.

3. PREBENTZIO-ELEMENTUAK

3.1. PREBENTZIO- ETA HIGIENE-NEURRI OROKORRAK

JOLAS HEZI LH 1-2: Almen guneko LH 1 eta 2.mailako ikasleek Almeneko erritmo gelan eta eguraldiak baimentzen duenetan, kanpo espazioetan, egingo dituzte saioak

AISIALDI KIROL JARDUERAK ETA MULTIKIROLA: LH 3. Mailatik – 6.mailara arteko ikasleek aldiz, Almeneko kiroldegietan eta kanpo espazioetan (eguraldiak baimentzen duenetan) egingo dituzte saioak.

Ondorengo puntuetan zehazten dira eskola kiroleko jardueretarako hartuko diren neurri espezifikoak:

a. JENDE-PILAKETAK SAIHESTEKO ANTOLAKETA-NEURRIAK

- **SARRERA LH 1-2:**
 - Begiraleak geletara igoko dira LEK-en parte hartzen duten ikasleak jasotzera. Bertan ilara bat egin eta bakoitzari gel hidroalkolikoa botako zaio. Ondoren, monitorea aurretik doala, guztiak batera erritmo gelara joango dira.
 - Erritmo gelara iristean X batekin bakoitzak bere esertzeko lekua markatuta izango du. Beti, leku berdinean eseriko dira, bai saio hasieran, zein saio bitartean begiraleen azalpenak jasotzeko.
 - Irteera sarrerako ate berdinetik egingo da eta ikasleak modu ordenatuan irtengo dira. Begiraleak gurasoen elkargunera hurbilduko dira ikasleekin batera.
- **SARRERA LH 3-4-5-6:**
 - Ikasleak begiraleekin elkartuko dira Almeneko kanpoaldean, talde bakoitzak horretarako alde aurretik identifikatutako elkargune bat izango duelarik.. Bertan ilara bat egin eta bakoitzari gel hidroalkolikoa botako zaio. Ondoren, monitorea aurretik doala, guztiak batera kiroldegira joango dira.
 - Kiroldegira iristean, harmailetan, X batekin bakoitzak bere esertzeko lekua markatuta izango du. Beti, leku berdinean eseriko dira, bai saio hasieran, zein saio bitartean begiraleen azalpenak jasotzeko.
 - LH 3,5 eta 6. mailetan saioak eskola amaitu bezain laster hasiko dira eta bidean ez entretenitzea eskatuko zaie ikasleei, lehen bait lehen, saioaren elkargunera joan beharko dutela adieraziz. Gurasoei ere puntualtasuna eskatuko zaie seme-alaben bila datozenean.

- LH 4. mailako kasuan, saioak ordubete beranduago hasten direnez, Almeneko kanpo espazioan jolasten aritzeko baimena izango dute. Eguraldi eskasarekin aldiz, ordubete hori igarotzeko espazio bat egokituko zaie.
- Irteera sarrerako ate berdinetik egingo da eta ikasleak modu ordenatuan irtengo dira. Gurasoak ez dira kiroldegira sartuko eta Ikastolako kanpoaldean itxarongo dute.
- Ikasleren batek saioa amaitu aurretik irten edo saiora berandu etorri behar badu (arrazoiren bat dela medio) aurreko egun edo saioan jakiraziko dio begirale edo koordinatzaileari.

****Taldeak gelara egingo dira eta posible ez den kasuetan, aldiz, mailaka.***

b.ESKUEN HIGIENEA

- Saioa hasi aurretik begiraleak izango duen gel hidroalkoholikoarekin eskuak garbituko dituzte.
- Saioan zehar ere, eskuak garbituko dituzte, batez ere materiala erabiltze den momentuetan.
- Saio amaieran ere eskuak garbituko dituzte gel hidroalkoholikoarekin instalakuntzatik irten aurretik. .

c.GARBIKETA ETA DESINFEKZIOA

- Saioan zehar materialik ez erabiltzea lehenetsiko da. Materiala erabiltzen bada, amaieran begiraleak desinfektatuko du spray eta papera edo oihal batekin.
- Bestelako desinfekzio eta garbiketa neurriak instalakuntzaren arabekoak izango dira.
- Era berean, erabilitako babes-materialak (maskarak) behar bezala botatzeko elementuak jarriko dira.

d.ESPAZIOAK ETA INSTALAZIOAK AIREZTATZEA

- Espazioen aireztapen naturala eta mekanikoa areagotuko da, barnean airea berritzen laguntzeko, ahal den neurrian kanpoko airearekin lan eginez, birzirkulazioa minimizatuz eta barruko aire-korronteak saihestuz.

3.2. MASKAREN ERABILERA

- Eskolako Gorputz hezkuntzako saioetan egiten den bezala jokatu dugu eskola kirolean ere. Saioetan musukoa derrigorrezkoa izango da. Momenturen batean ikasleren bat agobiatuta sentitzen bada, taldetik aldentu eta arnasa hartzeko aukera izango du, horretarako identifikatuta izango dituzten arnaguneetan.
- Teknikariak maskara jantzita eduki beharko dute beti.
- Osasun alorreko agintariak une oro zehaztutako moduan erabiliko dira maskarak eta baimendutako pertsonak (arnasketa arazoak, desgaitasunak eta abar dituztenek) ez

dute maskara jantzi beharko, nahiz eta horretarako, medikuaren agiria aurkeztu beharko duten.

3.3. JARDUERAK: SAIOAK, ENTRENAMENDUAK ETA LEHIAKETAK

3.3.1. JOLAS HEZI PROGRAMA (LH 1+2), JARDUEREN ANTOLAKETA ALDERDIAK:

Neurri espezifikokoak, COVID-19ak eragindako egoerara egokitzeko.

- Taldeek gutxieneko eta gehieneko izen emateen kopuruari eta monitore/ikasle ratioari buruzko irizpideak mantenduko dituzte (15 gehienez), baina jarduerak azpitaldeetan banatuta egingo dira.
- Irakaskuntza saioetako jarduerak erreferentziatzko 5 ikasle inguruko azpitalde egonkorretan garatuko dira.
- Ez da egingo 5 ikasle gorako taldeak eskatzen dituzten lankidetzak edo elkarlan-oposizio gisa definitutako jarduerarik.
- Saioak edo entrenamenduak indibidualak izango dira, eta egin beharreko ariketetan pertsonen arteko gutxieneko segurtasun distantzia mantenduko da (gaur egun 1,5 metrokoa da).
- Arizmendi ikastolako Almen guneak ezarritako talde egonkorrek kontutan izanda antolatuko dira taldeak; maila hain zuzen ere LH 1. Maila alde batetik eta LH 2. Maila bestetik.

3.3.2. MULTIKIROLA PROGRAMA, JARDUEREN ANTOLAKETA ALDERDIAK:

Neurri espezifikokoak, COVID-19ak eragindako egoerara egokitzeko.

- Irakaskuntza saioen edo entrenamenduen bidez soilik emango zaie hasiera jarduerari. Hasieran, baimentzen ez den bitartean, ez da lehiaketa jarduerarik edo topaketarik egingo.
- Taldeek gutxieneko eta gehieneko izen emateen kopuruari eta monitore/ikasle ratioari buruzko irizpideak mantenduko dituzte, baina jarduerak azpitaldeetan banatuta egingo dira. Taldeak 10 izen emate baino gehiago baditu, saioak 8 ikasleko azpitaldetan egingo dira gehienez.
- Saioak edo entrenamenduak ahalik eta indibidualizatuenak izango dira, eta, ahal dela, ahalegina egingo da egin beharreko ariketetan pertsonen arteko gutxieneko segurtasun distantzia mantentzeko (gaur egun 1,5 metrokoa da).
- Arizmendi ikastolako Almen guneak ezarritako talde egonkorrek kontutan izanda antolatuko dira taldeak; gelak eta posible ez den kasuetan, mailaka.
- Multikirola programan ez dira hainbat ikastetxetako ikasleen artean baterako jarduerak egingo, debekatuta baitago.

3.3.3. AISIALDI KIROL JARDUERAK PROGRAMA, JARDUEREN ANTOLAKETA ALDERDIAK: Neurri espezifikokoak, COVID-19ak eragindako egoerara egokitzeko.

- Irakaskuntza saioen edo entrenamenduen bidez soilik emango zaie hasiera jardueri. Hasieran, baimentzen ez den bitartean, ez da lehiaketa jarduerarik edo topaketarik egingo.
- Taldeek gutxieneko eta gehieneko izen emateen kopuruari eta monitore/ikasle ratioari buruzko irizpideak mantenduko dituzte, baina jarduerak azpitaldeetan banatuta egingo dira. Taldeak 10 izen emate baino gehiago baditu, saioak 8 ikasleko azpitaldetan egingo dira gehienez.
- Saioak edo entrenamenduak ahalik eta indibidualizatuenak izango dira, eta, ahal dela, ahalegina egingo da egin beharreko ariketetan pertsonen arteko gutxieneko segurtasun distantzia mantentzeko (gaur egun 1,5 metrokoa da).
- Arizmendi ikastolako Almen guneak ezarritako talde egonkorak kontutan izanda antolatuko dira taldeak; gelaka eta posible ez den kasuetan, mailaka.
- Aisialdi kirol jardueren programan ez dira hainbat ikastetxetako ikasleen artean baterako jarduerak egingo, debekatuta baitago.

3.3.4. ESKOLA KIROL EGOKITUA, JARDUEREN ANTOLAKETA ALDERDIAK:

Neurri espezifikokoak, COVID-19ak eragindako egoerara egokitzeko.

Lehentasunez, 4 eta 8 parte-hartzaile arteko taldeak egongo dira mendetasun-mailaren arabera, eta beharrezko arreta-ratioa 2 begiralekoa izango da. Kasu zehatz batzuetan, 1/1 ratioa ezinbestekoa izango da, erabiltzailearekiko mendekotasuna dela eta.

- Saioak edo entrenamenduak ahalik eta indibidualizatuenak izango dira, eta, ahal dela, ahalegina egingo da egin beharreko ariketetan pertsonen arteko gutxieneko segurtasun distantzia mantentzeko (gaur egun 1,5 metrokoa da).
- Ahal den neurrian, ikasgeletako talde egonkorak mantenduko dira. Ezin bada, azpitalde egonkorak egingo dira.
- Programak aire zabaleko jarduerekin hasiko dira, edo, ezinezkoa bada, aretoan bertan. Uretako jardueren kasuan, programaren koordinazioak ebaluatu beharko du jarduera hastea edo denboran atzeratzea komeni den.

JARDUERAK AIRE ZABALEAN

Ahal den guztietan, jarduerak aire zabalean egingo dira.

MATERIALEN ERABILERA

Ahal den neurrian, materialen erabilera partekatua saihestuko da. Lehiaketa/jarduerarako ezinbestekoak diren erabilera komunekeo materialei gomendatutako higiene eta garbiketa

neurriak aplikatuko zaizkie. Gainerako materialak (edariak, elikagaiak, sendagaiak, etab.) ezin izango dira partekatu.

Inola ere ezingo dira partekatu ur-botilak; kirolari bakoitzak bere botila eraman beharko du, norberaren izena nabarmen ikusteko moduan jarrita, nahasketarik izan ez dadin. Berdin jokatuko da saioan zehar norberak erabiltzeko bestelako kirol-materialarekin edo material osagarriarekin (toallak, petoak, etab.), kirolarien artean nahasketarik izan ez dadin. Ezingo dira partekatu janariak eta edariak, ezta mukizapiak edo antzeko elementuak ere; guztiak indibidualak izango dira. Kirolariak asko izerditzten duten, airea indarrez botatzen duten edo listu asko jariatzen duten jardueretan, gomendagarria litzateke kirolari bakoitzak toalla bat eramatea jarduerara eta, tarteka, teknikariak atsedendaldi bat egitea garbitzeko.

Botikineko materiala erabiltzen denean, erabili duen pertsonak erabili eta botatzeko eskularruak jantziko ditu beti.

ALDAGELAK

Debekatuta dago aldagelak erabiltzea, egoerak hala eskatzen duenean izan ezik (eguraldi txarra denean, beste herri batzuetan bizi diren haurrak eta joan-etorri luzeak egin behar dituztenak daudenean, uretako jardueretan, etab.). Osasun-arduradunak ezarriko ditu neurri honen salbuespenak.

Aldagelak erabili behar izanez gero, jarduerako teknikariak ezarriko du babes-arauak eta pertsonen arteko distantzia fisikoa errespetatzeko sistema bat. Txandak egiten badira, jarduerak garatzeko ezarritako azpitaldeak hartuko dira kontuan.

Horrela, entrenamenduen edo lehiaketan aurretik, horiek egiten diren bitartean eta ondoren antolatu nahi izaten diren hitzaldi teknikoak, baldintzek ahalbidetzen badute, jokalekuan bertan edo kirol-instalazioen harmailetan egingo dira, aldageletan edo espazio txikiagoetan egin beharrean.

LAGUNTZAILEAK EDO IKUSLEAK

Instalazioetan ezingo da egon jardueran parte hartzen ari diren taldeetako kide ez den ikuslerik edo beste inor, ez lehiaketetan, ez saio edo entrenamenduetan.

Kirol-espaziora honako hauek baino ezin izango dira sartu: kirolariak eta eskola-lizentzia duten edo dagokion jardueran ofizialki izena emanda dauden teknikariak; lehiaketa-jardueren kasuan, epaileak, arbitroak eta antolatzaileak; kirol-erakundeetako osasun-arduradunak eta eskolakiroleko arduradunak, dagokion administrazioan horrela egiaztatuta daudenak; jarduerak egiten diren kirol-instalazioetako langileak; eta administrazio publikoek baimendu dituzten beste pertsona batzuk.

Kirolari adingabeak jarduerak irauten duen denboran bakarrik egongo dira kirol-espazioetan. Jarduerak amaitu ondoren, ezingo dira kirol-espazioan gelditu.

Adingabeei jardueretara laguntzen dieten pertsonak instalazioetako edo esparruetako sarrerako ateetan utziko eta jasoko dituzte. Adingabeek ezinbestez behar badute arropaz

aldatzeko edo antzeko laguntza, laguntzaileak osasun-arduradunarekin harremanetan jarri beharko dira bere oniritzia izateko.

Lehiaketetan kirol-espazioetara sartu nahi duen edonork, sar daitekeela egiaztatu beharko du lizentziaren edo ziurtagiriaren bidez.

KIROL-PRAKTIKARAKO EDUKIERA

Instalazioaren gehieneko edukiera instalazioaren sarreran adieraziko da. Osasun-arduradunaren erantzukizuna izango da jardueren eguneroko plangintzak edukieraren muga inoiz gaindituko ez duela gainbegiratzea.

Dena den, teknikariek kontrolatuko dute euren jarduerak burutzen ari diren kirol-espazioaren edukiera, inoiz gaindituko ez dela zainduz.

AGURRAK ETA OSPAKIZUNAK

Ez dira baimenduko kontaktu fisikoa eskatzen duten agurrak eta/edo despedidak edo ospakizunak. Kirolariek ekintza horiek ukitu gabe burutzeko, talde bakoitzeko teknikariek beste modu batera egitea proposatuko dute.

3.4. JARDUEREI LOTUTAKO BESTE ELEMENTU BATZUK

JOAN-ETORRIAK

Ahal den guztietan, joan-etorriak modu aktiboan egitea (oinez, bizikletaz, patinetez) eta banaka edo, hala ezin bada, familia-unitatearen arabera egitea gomendatzen da.

Familia-unitate diferentetako pertsonen bidaiatu behar duten ibilgailuak erabiltzen badira, joan-etorrien esparruan administrazio eskudunak ezarritako arauak bete beharko dira.

GIZARTE-DESABANTAILAN DAUDEN KOLEKTIBOEN BABESA

Erakundeak, ahal duen neurrian, neurriak ezarriko ditu baliabide gutxien dituzten eta COVID19aren pandemiak ekonomikoki kaltetu dituen familiek kirol-jarduera egiten jarraitu ahal izan dezaten.

4. COVID-19ko KASUEN AURREAN JARDUTEKO PROZEDURA

4.1. FAMILIEN ETA GAINERAKO PERTSONALAREN JARDUKETA

COVID-19ari lotuta egon daitezkeen sintoma ohikoenetako bat duten —adibidez, 37^otik gorako sukarra, hotzikara, eztula, airea falta denaren sentsazioa, usaimena eta dastamena galtzea, eztarriko mina, giharretako minak, buruko mina, ahulezia oro har, beherakoa edo gorakoa— kirolariek eta erakundeko gainerako kideek ezingo dute kirol-jarduerara joan, ezta COVID-19a diagnostikatu dietelako bakanduak daudenek, edo COVID-19aren sintomak dituen edo diagnostikatu dioten pertsona batekin harreman estua izategatik etxean berrogeialdia betetzen ari direnek ere.

Lehiatzen duten erakundeetako kirolarien gurasoek edo tutoreek, kirol-jarduera dagoen egun bakoitzean, hau hasi aurretik, kirolari horiek COVID-19aren sintomarik ez dutela egiaztatu eta ziurtatu beharko dute.

Halaber, etxeko norbaiti (adingabeari edo beste pertsona bati) COVID19a diagnostikatu badiote, kirol-erakundeari eta norberaren erreferentziako osasun-zentroari ohartarazi beharko diete eta, hala badagokio, ardurapean duten seme-alaba edo adingabea etxean eduki beharko dute. Lanordutik kanpo bada, eta premiazko sorospena beharrezkoa bada, hauek dira Osakidetzaren Larrialdietako telefonoak: Araba: 945 244444; Bizkaia: 944 10000; Gipuzkoa: 943 461111.

Ikasturtearen hasieran, familiek idatzizko konpromisoa hartuko dute kirol-erakundearekin alderdi horiek betetzeko. (Ikus eranskina IV familien erantzunkizunezko agiria)

Baldintza hori bera eta idatzizko konpromisoa eskatuko diete teknikariei, epaileei eta kirol erakundearen eskola-kiroleko jardueretan nahastuta dauden gainerako pertsoneri. (ikus eranskina V teknikarien erantzunkizunezko agiria)

4.2. KIROL-ERAKUNDEAREN JARDUKETA

PERTSONALGOAREN/PARTEHARTZAILEEN ERREGISTROA

Erakundearen parte hartzen duten pertsonak identifikatzeko kontrola eramango da osasun-agintariei lana errazteko, erakundeak jardueran parte hartzen duten jokalariek guztiak erregistratuko ditu, eta hauen eguneroko asistentzia jasoko du. Ondorengo datuak bilduko dira:

- Izen-abizenak
- Ikastetxea
- Taldea
- Ordutegia, instalakuntza
- Telefono-zenbakia
- Helbide elektronikoa

COVID-19KO KASU BAIEZTATUAK

Kirol-erakundeko kirolari edo pertsonaleko kide batek COVID-19an positibo ematen duenean, erakundearen protokoloa betetzeko izendatutako osasun arduradunak kasua Osakidetzako zerbitzuetara deribatuko du, dagozkien osasun-protokoloak aplikatzeko.

Halaber, erakundeko osasun-arduraduna osasun-agintaritzaren (aztarnariak) esku jarriko da eta, hala badagokio, berekin harremanetan izan diren pertsonen informazioa emango du.

COVID-19 SINTOMAK JARDUERAREN AURRETIK

Zuhurtasun-printzipio gisa, entrenamendu, saio edo lehiaketa bat hasi aurretik, kirol-talde bateko pertsona batek sukarra edo COVID-19aren sintoma argiak dituen kasuetan, honako neurri hauek hartuko dira:

- Saioak edo entrenamenduak bertan behera geratuko dira, erakundeko osasunarduradunak, osasun-agintariekin harremanetan jarri ondoren, oniritzia eman arte.
- Talde-kirol bateko partida baten aurretik gertatzen bada, parte hartzen duen kirolerakundearen osasun-arduradunak beste taldeari/erakundeari jakinaraziko dio partida nahitaez bertan behera geratuko dela. Halaber, ahalik eta azkarren, erakunde antolatzaileari ere jakinaraziko dio honek jakin dezan eta behar diren neurriak har ditzan.
- Bakarkako kirol bateko lehiaketa baten aurretik gertatzen denean, parte hartuko duen kirolerakundearen osasun-arduradunak antolakuntza-erakundeko osasun-arduradunari jakinaraziko dio positibo eman duen pertsonaren kirol-taldeko gainerako kideek ez dutela lehiaketan parte hartuko.

COVID-19 SINTOMAK JARDUERAN ZEHAR

Kirol-jardueran zehar gaixotasunaren sintomak (sukarra, eztula, arnasteko arazoak, etab.) agertzen badira, jarduerari lotutako teknikariek kirol-erakundearen osasun-arduradunari jakinaraziko diote. Honek, berriz, kirolariaren familia abisatuko du kirolaria jasotzera joan dadin. Familia bere osasun-zentroarekin harremanetan jarriko da, eta bertan baloratuko da egoera. Baloratu arte, pertsona bakandua mantenduko da. Gaixotasunaren sintomak kirol-

erakundeko gainerako pertsonetan agertzen badira, haiek ere etxera joan beharko dute eta gomendio berberak bete beharko dituzte.

Erakundeko osasun-arduradunak, egoera zein den ikusita, une horretan bertan jarduera bertan behera geratuko den edo aurrera jarrai dezakeen aztertuko du. Bigarren kasu horretan, jardueraren teknikariei prebentzio- eta higiene-neurriak zorrotz ditzaten eskatuko die: kontakturik gabeko jarduerak eta pertsonen arteko distantziak handitu, maskararen erabilera derrigortu (intentsitate txikiko jarduerak gauzatzea), eskuen eta gorputzeko beste atal batzuen higiene-neurriak maiztasun handiagoz hartzea, etab. Teknikariek muturreko neurri horiek euren kabuz hartu beharko dute, kutsatzeko aukera edo arrisku txikiena dagoela uste dutenean.

FAMILIEKIN ETA ERAKUNDEKO BESTE PERTSONA BATZUEKIN KOMUNIKAZIOA

Erakundearen barruan gertatutako COVID-19ari lotutako kasu edo egoera baten aurrean, familiei edo erakundeko beste eragile batzuei jakinarazi behar dietenean, jakinarazpen hori, kasu bakoitzaren arabera, osasun-agintariek edo kirol-erakundeak berak egingo dute. Bigarren kasuan, jakinarazpena osasun-arduradunak egingo du beti (ez teknikariek).

5. DIZIPLINA-NEURRIAK ETA HAUEK BETETZEN DIRELA KONTROLATZEA

Kirol-erakundeak protokolo honetan finkatutako arauak ez betetzearekin lotutako hainbat arauhauste erantsi ditu Barne Araubideko Erregelamenduan, baita kutsatzeko arriskua handitzen duten jokabideekin edo jarrerekin lotutako beste batzuk ere.

Arau-hausteak:

- Arau-hauste arinak:
 - Kirol-espazioetan edo jardueran agintariak eta erakundeak maskararen erabileraren inguruan finkatutakoa ez betetzea.
 - Jarduera egikaritzeko finkatutako eskuen eta gorputzeko beste atal batzuen higieena ez betetzea.
 - Doministiku egitea, nahi gabe finkatutako babes-mekanismoak erabili gabe.
 - Behin eta berriz, instalazioko lurzorura edo beste azalera batzuetara txistua, mukiak edo antzekoak botatzea nahi gabe.
 - Beste pertsona baten kirol-material pertsonala erabiltzea edo partekatzea, hori egitea debekatua dagoen kasuetan.
 - Beste pertsona baten arrisku bereziko banakako erabilerako materialak (ur botilak, toallak, zapiak, etab.) erabiltzea edo partekatzea nahi gabe.
 - Kontaktuko agur, despedida edo ospakizun bat nahi gabe egitea. ○Norberari dagozkion jardueren denboratik kanpo kirol-instalazioan egotea.
 - Aldagelak nahi gabe baimenik gabe erabiltzea.

- Arau-hauste larriak:
 - Kirol-espazioetan edo jardueran agintariak eta erakundeak maskararen erabileraren inguruan finkatutakoa ez betetzea, behin eta berriz.
 - Jarduera egikaritzeko finkatutako eskuen eta gorputzeko beste atal batzuen higieena ez betetzea, behin eta berriz. ○Doministiku egitea, finkatutako babes-mekanismoak nahi gabe edo behin eta berriz erabili gabe.
 - Kirol-praktikaren arabera beharrezkoa ez den egoeratan beste pertsona bat ukitzea edo harengana gehiegi eta nahita hurbiltzea, haren borondatearen aurka. ○Beste pertsona baten kirol-material pertsonala erabiltzea hori egitea debekatu denean eta pertsona horrek baimendu ez duenean. ○Beste pertsona baten arrisku bereziko banakako erabilerako materialak (ur botilak, toallak, zapiak, etab.) nahita erabiltzea edo partekatzea.
 - Teknikarien, epaileen edo kirol-erakundeko edozein arduradunen agindu zuzenak ez betetzea, kutsatzeko arriskua eragin dezaketen egoeratan.
 - Agurrak, despedidak edo ospakizunak ukituz egitea nahita edo behin eta berriz.
 - Norberari dagozkion jardueren denboratik kanpo kirol-instalazioan egotea behin eta berriz.

- Berariaz aldagelak baimenik gabe erabiltzea. ○COVID-19a duelako edo izan duelako haur bati edo beste pertsona bati iseka egitea edo hura mespretxatzea. ○Bost arau-hauste arin metatzea.
- Arau-hauste oso larriak:
 - Kirol-espazioetan edo jardueran agintariak eta erakundeak maskararen erabileraren inguruan finkatutakoa ez betetzea, behin eta berriz eta berariaz.
 - Beste pertsona bati berariaz txistua, mukiak edo antzekoak botatzea edo doministiku egitea. ○Kirol-praktikaren arabera beharrezkoa ez den egoeratan beste pertsona bat ukitzea edo harengana gehiegi eta nahita hurbiltzea, behin eta berriz eta haren borondatearen aurka. ○Beste pertsona baten arrisku bereziko norbanakoak erabiltzeko materialak (ur botilak, toallak, zapiak, etab.) hartzea, nahita pertsona horri jakinarazi gabe.
 - Teknikarien, epaileen, osasun-arduradunaren edo kirol-erakundeko beste edozein arduradunaren agindu zuzenak ez betetzea, kutsatzeko arrisku handia dagoen egoeratan. ○Kirol-jarduerara COVID-19ari lotutako sintomak dituela joatea, behar diren neurriak hartu gabe edo hartutako konpromisoak bete gabe. ○Kirol-erakundeko kide den pertsonak edo bere bizikidetzaren unitateko beste pertsona batek COVID-19a duela edo honi lotutako sintomak dituela ez jakinaraztea kirolerakundeari.
 - COVID-19a duelako edo izan duelako haur bati edo beste pertsona bati jazarpena edo bullying egitea, edo egoera horren inguruan gezur bat hedatzea. ○Hiru arau-hauste larri metatzea.

6. PROTOKOLOA ETA HARTUTAKO NEURRIAK HEDATZEA ETA EZAGUTZEA

Protokolo hau eta bere eraginpean dauden pertsona guztiek hartu beharreko neurriak ezagutzen direla bermatzeko, erakundeak, protokoloak eta neurriak zabaltzeko eta ezagutzera emateko bitarteko hauek erabiliko ditu:

HEDAPEN OROKORRA

- Orokorrean, kirolarien familia guztiei eta erakundearen egitura osatzen duten pertsona guztiei —langileak eta boluntarioak— mezu elektronikoa bat igorriko zaie. Bertan, Protokolo hau onartu dela jakinaraziko zaie eta protokoloa bera modu eraginkorrean aplikatzeko laguntza eskatuko zaie.
- Erakundearen web-orriko gunean (www.leintzeskolakirola.eus), datu hauek bilduko dituen espazio espezifikoak jarri da:
 - o Erakundeko osasun-arduradunaren izena eta harekin zuzenean harremanetan jartzeko modua (telefonoa eta posta elektronikoa). **(kontaktua atala)** <https://leintzeskolakirola.com/kontaktua/> **osasun arduradunak adierazi**
 - o Familientzako, kirolarientzako, teknikarientzako, epaileentzako, osasun arduradunarentzako eta erakundeko arduradunarentzako sortutako informazio materiala eta Protokoloa, baita egokitzen jotzen den gaiari lotutako beste edozein dokumentazio ere
 - o
- Kirolguneen sarreran, aldageletan eta beste gune estrategiko batzuetan, prebentzioan eta higiean arreta berezia edukitzeko kartelak ipiniko dira.

JAKINARAZPEN/SENTSIBILIZAZIO ESPEZIFIKOAK

Eragile edo kolektibo mota bakoitzerako informazio-materialen zein familiek, teknikariek eta epaileek sinatu beharreko konpromisoak adierazten dira jarraian:

- **Familiak**, jarduerak hasi aurretik:
 - o Posta elektronikoa bidez igorriko dena:
 - Erakundearen protokoloa
 - Prebentzio-neurriak eta parte-hartze baldintzak ezagutzeko, onartzeko eta haiekin konprometitzeko dokumentua. Jarduerak hasi aurretik sinatu eta erakundeari entregatu beharko zaio.
 - o **Jarduera-taldetan banatuta bilera telematikoak** egingo ditugu, neurri guztiak ezagutzera emateko, familien papera eta konpromisoa oso funtsezkoa dela azaltzeko, eta euren zalantzak edo kezak argitzeko.

- Erakundeko **teknikariak**, jarduerak hasi aurretik:
 - o Posta elektroniko bidez igorriko dena:
 - Erakundearen protokolora web guneko linka.
 - Teknikarientzako sortutako informazio-materiala, euren obligazioak, erantzukizunak eta eskubideak ezagutzeko.
 - Kirolarientzako sortutako informazio-materiala, teknikariek euren ardurapean dituzten kirolariei lehen saioan/entrenamenduan jakinarazteko.
 - Derrigorrezko higiene eta prebentzioko neurri pertsonalak ezagutzeko, onartzeko eta haiekin konprometitzeko dokumentua. Jarduerak hasi aurretik sinatu beharko dute.
 - o **Teknikariek bilera telematikoak egingo ditugu**, neurri guztiak ezagutzera emateko, haien papera eta konpromisoa oso funtsezkoa dela azaltzeko, neurriak betetzen ez diren kasuetan ezarriko diren zigorren berri emateko eta sor daitezkeen zalantzak argitzeko.
- **Kirolariak:**
 - o Jarduerak hasi aurretik:
 - Familiek prebentzio- eta higiene-neurriak betetzeak duen garrantziaz sentsibilizatuko ditugu, kirolarien informazio-materiala oinarritzat hartuz.
 - o Jardueraren lehen egunean:
 - Teknikariek prebentzio- eta higiene-neurri guztien inguruko azalpen xehatua emango zaie, kirolarien informazio-materiala oinarritzat hartuz.
- Erakundeko **epaileak:**
 - o Lehiaketak hasi aurretik, posta elektroniko bidez edo fisikoki, dokumentu hauek banatuko dizkiegu:
 - Epaileentzako sortutako informazio-materiala, euren obligazioak, erantzukizunak eta eskubideak ezagutzeko.
 - Derrigorrezko higiene eta prebentzioko neurri pertsonalak ezagutzeko, onartzeko eta haiekin konprometitzeko dokumentua. Jarduera hasi aurretik sinatu beharko dute.

Erakundearen erabakiz edo agintari eskudunen arau edo ildo berrien ondorioz protokoloan egiten den edozein aldaketaren berri eraginpean dauden pertsona guztiei emango zaie posta elektronikoz, gutxienez. Halaber, aldaketak oso garrantzitsuak badira edo hasieran hartutako neurriak asko aldatzen baditugu, bilera telematikoak egin ahal izango dira aldaketa horiek azaltzeko/hedatzeko. Gerora, aldaketa horien berri kirolariei emango zaie, zuzenean familien eta teknikarien bitartez.

7. PROTOKOLOAREN EBALUAZIOA ETA JARRAIPENA

Egoera berria dela kontuan hartuz, funtsezkoa da hartutako neurriak eta hautemandako jarrerak eta jokabideak etengabe ebaluatzea eta haien jarraipena egitea. Hala, erakundearen maila guztietan taldekako balorazioak edo bilerak planteatuko dituzte.

ZUZENDARITZA-ORGANOAREN BILERAK

Osasun-arduradunak erakundearen zuzendaritza- edo administrazio-organoaren bileretan hartuko du parte. Bilera horietako gai-zerrendan COVID-19ari aurre egiteko erakundearen jarduketak eta egoera baloratzeko puntu bat ezarriko da.

Ikasturte honetako egoera berezia denez, hilabete bakoitzean gutxienez bilera bat egingo da. Edozein unetan ezohiko bileretarako deialdia egin ahal izango da edo bilerak maizago egin ahal izango dira, hala egitea beharrezkoa dela ikusten bada, batez ere ikasturtearen hasieran.

BILERAK TEKNIKARIEKIN

Ikasturtea hasi ondoren, teknikariek bilera telematikoak egingo dira egoeraren balorazioa egiteko, neurriak zuzen aplikatzen ari direla ziurtatzeko, haiek egokitzeko —behar izanez gero, eta sor daitezkeen zalantzak argitzeko. Horretarako, gutxienez, bilera hauek egitea proposatuko da:

- Jarduerak hasi eta astebetera.
- Jarduerak hasi eta hilabetera.
- 2. hiruhilekoaren hasieran.
- 3. hiruhilekoaren hasieran.

TEKNIKARIEN ETA KIROLARIEN ARTEKO BILERAK

Asteko lehen saioan teknikariek taldean egiteko balorazio labur parte-hartzaile bat planteatuko dute, COVID-19ari aurre egiteko neurrien funtzionamendua aztertzeke eta, hala badagokio, jarrerak eta jokabideak zuzentzeko.

8- ERANSKINAK

(Ikus eranskina II. Prestakuntza Beteta izanaren agiria edo diploma)



(Ikus eranskina IV familien erantzunkizuneko agiria)

IV. ERANSKINA

2020-2021 IKASTURTEKO ESKOLA-KIROLEKO JARDUERETAN PARTE HARTZEKO BALDINTZAK ETA PREBENTZIO-NEURRIAK EZAGUTZEKO, ONARTZEKO ETA HAIEKIN KONPROMETITZEKO DOKUMENTUA AITAK/AMAK EDO TUTOREAK

Klikatu hemen testua idazteko. jaunak/andreak, NAN/AIZ zenbakia klikatu hemen testua idazteko. duenak, bere izenean eta Klikatu hemen testua idazteko. interesdunaren (adingabearen) aita/ama/tutore gisa,

HONAKOA ADIERAZTEN DUT:

- Jaso eta irakurri dut jardueraren ardura duen erakundeak COVID-19ari aurre egiteko prestatu duen Prebentzio eta Jarduketa Protokoloa, eta badakit bertan zer ezartzen den.
- Hitzematen dut kirol-erakundearekin lankidetzan jardungo dudala protokoloan ezarritako neurriak, bereziki nire ardurapean dudan seme-alaba edo adingabea kontzientziatzearekin eta sentibilizatzearekin zerikusia dutenak, betetzeko, prebentzio- eta higiene-neurriak hartzeko bere erantzukizun indibidualari dagokionez.
- Saio, entrenamendu edo lehiaketa bakoitzaren aurretik egiaztatuko dut nire ardurapean dudan seme-alabaren edo adingabearen osasun-egoera, eta COVID-19ari lotuta egon daitezkeen sintoma ohikoenetako bat badu, adibidez, 37°tik gorako sukarra, hotzikara, eztula, airea falta denaren sentiazioa, usaimena eta dastamena galtzea, eztarriko mina, giharretako minak, buruko mina, ahulezia oro har, beherakoa edo gorakoa, ez da jarduerara joango. Horrez gainera, berehala emango diot egoera horren berri kirolerakundeko osasun-arduradunari eta dagokion osasun-zentroari.
- Era berean, kirol-erakundeko osasun-arduradunari jakitera emango diot familiako bizikidetzaren unitateko pertsona bat (kirola egiten duen adingabea bera edo beste pertsona bat) COVID-19a diagnostikatu diotelako isolatuta badago edo COVID-19aren sintomak dituen edo COVID-19a diagnostikatu dioten pertsona batekin harreman estua izateagatik etxean berrogeialdia betetzen ari bada.
- Baimena ematen dut, baldin eta COVID-19a diagnostikatutako pertsonen kontaktuak aurkitzeko osasun-agintariek eskatzen badute, erakundeak nirekin edo tutorea den beste pertsona batekin harremanetan jartzeko erregistratuta dituen datu pertsonalak emateko.

- Nire ardurapean dudan seme-alaba edo adingabea ez dago osasun-agintariak ezarritako arrisku-talderen batean, edo, hala balitz, egoera horren berri emango diot kirolerakundeari jarduerari hasiera eman aurretik, eta, kasu horretan, nire erantzukizunpean parte hartuko du jardueran.
- Onartzen ditut kirol-erakundeak jardueretan parte hartzeko ezarritako baldintzak eta, ondorioz, baimena ematen diot nire ardurapean dudan seme-alabari edo adingabeari 2020-2021 ikasturteko eskola-kiroleko programan parte hartzeko.

_____ (e)n, _____ (e)ko _____ ren _____ (e)an

Izenpetua

Klikatu hemen testua idazteko.

(ikus eranskina V teknikarien erantzunkizunezko agiria)

V. ERANSKINA

2020–2021 IKASTURTEKO ESKOLA-KIROLEKO JARDUERETAN PARTE HARTZEKO BALDINTZAK ETA PREBENTZIO-NEURRIAK EZAGUTZEKO, ONARTZEKO ETA HAIEKIN KONPROMETITZEKO DOKUMENTUA ERAKUNDEKO TEKNIKARIAK ETA GAINERAKO PERTSONALA

Klikatu hemen testua idazteko jaunak/andreak, NAN/AIZ zenbakia klikatu hemen testua idazteko. duenak

HONAKOA ADIERAZTEN DUT:

- Jaso eta irakurri dut jardueraren ardura duen erakundeak COVID-19ari aurre egiteko prestatu duen Prebentzio eta Jarduketa Protokoloa, eta badakit bertan zer ezartzen den.
- Protokoloan ezarritako neurrien inguruan kirol-erakundearekin elkarlanean jarduteko konpromisoa hartzen dut, bereziki zuzentzen ditudan jardueren barruan nire ardurapean dauden adingabeek bete behar dutenari lotutakoak eta, kirol-jardueren barruan zein jardueretatik kanpo, hirugarrenak kutsatzeko arriskua ekiditeko neuk eduki behar dudan erantzukizunari lotutakoak.
- Saio, entrenamendu edo lehiaketa bakoitzaren aurretik egiaztatuko dut nire osasunegoera, eta COVID-19ari lotuta egon daitezkeen sintoma ohikoenetako bat badu, adibidez, 37^otik gorako sukarra, hotzikara, eztula, airea falta denaren sentrazioa, usaimena eta dastamena galtzea, eztarriko mina, giharretako minak, buruko mina, ahulezia oro har, beherakoa edo gorakoa, ez da jarduerara joango. Horrez gainera, berehala emango diot egoera horren berri kirol-erakundeako osasun-arduradunari eta dagokion osasun-zentroari.
- Era berean, kirol-erakundeako osasun-arduradunari jakitera emango diot nire familiako bizikidetzaren unitateko pertsona bat COVID-19a diagnostikatu diotelako isolatuta badago edo COVID-19aren sintomak dituen edo COVID-19a diagnostikatu dioten pertsona batekin harreman estua izateagatik etxean berrogeialdia betetzen ari bada.
- Baimena ematen dut, baldin eta COVID-19a diagnostikatutako pertsonen kontaktuak aurkitzeko osasun-agintariek eskatzen badute, erakundeak nirekin harremanetan jartzeko erregistratuta dituen datu pertsonalak emateko.

- Ni ez nago osasun-agintariek ezarritako arrisku-talderen batean, edo, hala balitz, egoera horren berri emango diot kirol-erakundeari jarduerari hasiera eman aurretik, eta, kasu horretan, nire erantzukizunpean parte hartuko dut jardueran.
- Onartzen ditut kirol-erakundeak parte hartzeko 2020-2021 ikasturterako ezarritako baldintzak.

_____ (e)n, _____ (e)ko _____ ren _____ (e)an

Izenpetua:

Klikatu hemen testua idazteko.